

PML Anjur Beberapa Siri Lawatan Sempena Cuti Sekolah

Terakhir dikemaskini: Khamis, 30 Ogos 2018 18:44 | [Cetak](#) | Jumlah paparan: 224

Kongsi 0

Syorkan 0

Kongsi

Tweet

Share



KHAMIS, 30 OGOS - Program Daycare dan Transit, Pusat Minda Lestari (PML), Universiti Malaysia Sabah (UMS) telah mengadakan beberapa program sempena cuti sekolah dengan melawat destinasi-destinasi menarik yang memberi input berguna kepada murid-murid.

Menurut kenyataan PML, lawatan pertama diadakan pada 20 Ogos 2018 melibatkan 68 murid ke sebuah syarikat memproses pelbagai produk berasaskan koko iaitu Teck Guan Trading.

“Melalui lawatan ini, murid

diberi penerangan mengenai latar belakang kewujudan syarikat dan maklumat berkaitan pemprosesan produk yang berasaskan koko.

“Murid juga berpeluang mengikuti pelbagai aktiviti seperti berlumba makan coklat, makan coklat secara percuma, dan minum minuman coklat,” ujar kenyataan tersebut.

Pada hari berikutnya, kenyataan itu memaklumkan satu lawatan telah diadakan ke Akuarium dan Muzium Marin, UMS bertujuan untuk memupuk nilai cintakan hidupan marin dalam kalangan murid-murid.



Di samping itu, murid-murid juga berpeluang menyaksikan pertunjukan seorang kakitangan Institut Penyelidikan Marin Borneo yang memberi makan kepada hidupan laut yang terdapat di dalam akuarium.

Lawatan seterusnya diadakan pada 24 Ogos 2018 bertempat di Muzium Negeri Sabah.

Menurut kenyataan itu, lawatan sambil belajar tersebut bertujuan memupuk semangat cintakan negara dalam kalangan murid-murid dengan melihat sendiri tinggalan sejarah negara khususnya yang berkaitan dengan negeri Sabah.

“Hal ini dapat meningkatkan tahap perkembangan sosio emosi, daya intelek dan perkembangan motor kasar murid-murid ke arah membantu menambah ilmu dan kecerdasan minda murid-murid PML,” tambah kenyataan itu lagi.